

Իսրայելի Պետության Ճանաչման Գիրք Երուսաղեմի Նորընտիր Պատրիարքին

Երեքշաբթի, 3 Յուլիս 2013-ին, կեսօրէ ետք ժամը 2ին, Ընտրեալ Պատրիարք՝ Տ. Նուրհան Արք. Մանուկեան, ընկերակցութեամբ Ս. Աթոռոյս Լուսարարապետ՝ Գերշ. Տ. Սեւան Արք. Ղարիպեանի եւ Աւագ Թարգման՝ Գուսան Վրդ. Ալճանեանի, ուղուեցաւ դէպի Քնէսէթի Խորհրդարանը, հանդիպելու Իսրայելի Պետության Ներքին Գործոց Նախարար՝ Կիտոն Սաարի հետ եւ անկէ ստանալու պաշտօնական ճանաչման գիրք:

Խորհրդարան հասնելէ ետք, նորընտիր Պատրիարքն ու իրեն ընկերակիցները դիմաւորուեցան Պետական Ներկայացուցիչներու կողմէ եւ առաջնորդուեցան Ներքին Գործոց Նախարարի ժողովասենեակը, ուր տեղի պիտի ունենար Պետական Պաշտօնական Ճանաչման Գիրքի յանձնման արարողութիւնը:

Նախարար Սաար եւ Իսրայելի Պետական Ներկայացուցիչներ ջերմօրէն ընդունեցին Նորընտիր Սրբազան Պատրիարքը եւ բարեմաղթութիւններ ըրին Իր ընտրութեան բարեբաստիկ առիթով: Ընդունելութենէն ետք, Նախարար Սաար Պատրիարք Սրբազան Հօր յանձնեց Ճանաչման Գիրքը եւ շնորհաւորեց զայն յանուն Իսրայելի Պետության:



Իսրայելի Պետության Ներքին Գործոց Նախարար՝
Կիտոն Սաար Նորընտիր Պատրիարք Սրբազան Հօր
կը յանձնէ Ճանաչման Գիրքը: